

“Tommy y Francis cu Lp”

Ardiente y Tropical

E duo Tommy y Francis ta hopi conoci aki na Aruba pa nan cancionnan entre otro pa dia di mama, y pa diferente ocasionnan. Tambe e dos artistanan aki ta conoci pa nan bunita cancionan cu semper nan ta trece den festivalnan na Aruba. Awor e personanan aki a dicidi di bay ariba mercado internacional y a trece ariba plaza un lp hunto cu e agrupacion El grupo Tamarindo.

Tur e cancionnan ariba e lp na na Spaño y ta cumbianan original Colombiano.

E duo aki tambe a ricibi un plaqueette for di sr. Luis Al-



berto Mantilla pa nan gran promocion di e lp di Mexico, Colombia y Venezuela.

Den un entrevista cu Tommy de Cuba el a bisa cu awor e ta mira mas posibilidad pa artistanan ya cu grabacionnan ta

lanta manera padestoel for di tera. Pero pa hiba un artista ariba mercado internacional un artista local mester bini cu mas material original, es decir no cancionnan cu nan ta copia for di otro artistanan, sino bini

cu cancionnan di nan mes.

Pesey Tommy ta kere cu e nunca a bira un artista grandi pasobra e tabata copia cancionnan di otro, pero awor e cu Francis a dicidi di bin cu un lp original y e ta spera cu e lo

haya acogida di e pueblo Arubano cu semper sa di aprecia e artistanan local.

El a bisa cu ariba mercado local nan a yega di bini cu disco pa dia di mama, pero esaki ta e prome ariba mercado internacional.

E bautizo di e lp "Ardiente y Tropical" a worde efectua Diasabra ultimo na Holiday Inn Hotel y a worde haci pa Lulu Croes. Tambe un plaqueette di promocion a worde entrega na Tommy pa su

propio mama, di parti di Editora Tamarindoy na Francis el a worde entrega door di Frans Solognier y Sr. Emile Kelkboom.